

西北史地文獻

第二十七卷

中國西北文獻叢書



中國西北文獻叢書·第三輯

西北史地文獻

第二十七卷



目錄

興復哈密國王記

明 馬文開

三

平番始末

明 許進

一一

西番事蹟

明 王瓊

三一

三雲籌俎考

明 王士琦

四一

許氏方輿考證

清 許氏

一五三

西陲總統事略

清 祁韻士

三七五

新疆賦

清 徐松

五七七

西域釋地

清 祁韻士

五九九

漢西域圖考

清 李光廷

七一一

興復哈密國王記

蘇子學

PDG

興財創密國王信

紀錄彙編卷之三十七

興復哈密國王記

馬文升

幅員之內以中嶽爲地之中惟西域最遠而夷人種類亦繁自大禹時始通貢中國今之甘涼卽漢匈奴右賢王之地也武帝領海內之財始取之設酒泉張掖燉煌三郡西至玉門關外去中國數千里至光武時乃閉關以謝西域唐太宗好大喜功斥地極遠而西域諸番入貢中國者始盛唐之中葉雖六盤山外亦爲土番所據終唐之世不復入貢延及有宋趙元

紀錄彙編卷之三十七

三百六十六

昊據有寧夏僭號稱帝遂并西域大爲宋室患元太祖起自朔漠收併諸夷入主中國者九十餘年我太祖高皇帝膺天眷命掃除胡元統一寰宇凡四夷來貢者不拒未來者不强其於西域也亦然真得古帝王馭戎狄之道矣追我太宗文皇帝繼承大統開拓疆宇始招來四夷而西域入貢者尤盛乃卽哈密地封元之遺孽脫脫爲忠順王賜金印令爲西域之襟喉以通諸番之消息凡有入貢夷使方物悉令此國譯文具聞脫脫故其子孛羅帖木兒襲封孛羅帖木兒故無嗣王母理國事成化九年土魯番

紀錄彙編卷之三十七

二

阿力王廢王母金印以去本國番夷離散皆遊居苦峪肅州亦有陰隨土魯番者甘州守臣奏報兵部集議以聞上命高陽伯李文右通政劉文往撫之比至止調集罕東赤斤番兵數千駐苦峪不敢前自此番兵漸輕中國之兵矣竟無功而還朝廷屢命守臣經略而王母金印竟不可返至成化十四年鎖檀阿力故其子阿黑麻主事十八年甘肅守臣乘間奏以王母外甥畏兀兒種類都督罕慎襲封爲王成化二十年遣使送入哈密鎮守太監覃禮總兵周王都御史王繼皆賞賜白金綵段而効勞之人亦各陞賞矣弘治元年阿黑麻以罕慎非貴族乃假結親而殺之尋遣夷使入貢且乞大通事往和番因求爲王以王哈密國事予時任兵部尚書以爲近日迤北大虜亦不遣使通好今阿黑麻自有分地亦難封彼爲王玆哈密彼若入貢亦所不拒乃具以上聞請降璽書付甘州守臣遴遣哈密夷人曾居甘州者齎賜阿黑麻切加責諭時王母已故弘治四年本酋遂以金印城池來歸守臣具聞事下兵部本年八月予以爲哈密國回回畏兀兒哈刺灰三種番夷同居一城種類不貴此顏頰北山一帶又有小列禿野

也克力數種強虜時至哈密需索稍不果願輒肆侵陵至爲難守必須得元之遺孽襲封以理國事庶可懾服諸番興復哈密不然雖十年未得安耳先是曲先安定王遣使入貢卽忠順王裔派也子因命通事詢旨使安定王族中子姪有可以主哈密國事者貢使舉王姪陝巴可任狀子遂奏令其肅守臣取陝巴審可否守臣尋以陝巴堪舉及據哈密三種大頭目聲克字刺等亦皆合詞告保陝巴年少量洪足以服衆願乞早襲王爵管理國事狀聞弘治五年二月子集議請以陝巴襲封忠順王王哈密然尚未給冠服

紀錄彙編卷之三十七

三

四〇九

也守臣急欲成功倉卒遣使送之於哈密未幾諸番夷以陝巴無所犒賜而阿黑麻復怒大頭目都督阿木郎嘗尅其賞賜又常虜其部落頭畜遂殺阿木郎復虜陝巴及金印以去時弘治六年也報至適阿黑麻先所遣大頭目寫亦滿速兒等四十人入貢在京師內閣禮部尚書大學士丘公濬謂予曰哈密事重須煩公一行予曰邊方有事臣子豈可辭勞但西域賈胡惟圖窺利不善騎射自古豈有西域爲中國大患者徐當靜之丘曰有識言不可不慮予因集議請自往衆曰哈密一方事耳今北虜在邊四方多故

公往其京四方邊事付之何人乃議以兵部右侍郎張公海都督僉事綏謙領勅率寫亦滿速兒等往經略之既抵其州議令寫亦滿速兒等數人并遣在邊通事先以勅諭阿黑麻順天道歸陝巴金印而諸夷使緣此皆欲同回張綏等不可惟遣哈密夷人以勅往迨久未回張綏等遂以命修嘉峪關清各衛久居哈密回回名數以聞復捕哈密久通阿黑麻黠詐回回二十餘人發戍廣西諸夷頗知畏懼予以爲此虜既遣使入貢復虜陝巴金印迫勅使往又久不報其輕中國之心著矣遂請以寫亦滿速

紀錄彙編卷之三十七

四

四〇三

兒等四十餘人皆安置兩廣福建并閉嘉峪關示西域入貢諸番夷俱毋令入使阿黑麻結怨於衆夷以孤其勢張綏等於弘治七年三月未前聞印歸上怒其不進圖本又無成功皆下獄張降外任縱住俸閑住然阿黑麻愈肆驕橫大抵皆哈密回回教之也蓋以成化間彼番貢獅子其州守臣奏至憲宗皇帝預命內臣接至河南入京賞賚甚厚今上卽初復貢獅子泛海由廣東來奏至上不貴遠物諫官交章請却之而回其餘貢至者亦不及昔年厚賞利乃教誘阿黑麻詐稱領夷兵一萬用雲梯攻肅州城

并蹂甘州報至朝野頗驚予以爲彼張虛聲以挾我耳且土魯番至哈密十數程中經黑風川俱無水草哈密至苦峪又數程亦無水草入貢者往返皆馱水而行使我整兵以俟謹烽火明斥候彼至肅州我以逸待勞縱兵出奇一擊必使彼匹馬不返矣夷使入貢至京者亦以此意曉之伐彼邪謀自此再不敢復言來攻肅州矣無何阿黑麻復令頭目牙蘭率番夷二百餘據哈密予以爲此虜只專示以恩而不加之以威彼終不知畏必須用陳湯故事因訪肅州撫夷指揮楊翥雅諳夷情熟知哈密道路而爲各種番夷

紀錄彙編卷之三十七

五

所信服乃請 命守臣遣翥奏事京師勦襲殺牙蘭之策翥即陳罕東至哈密捷徑道路甚悉予曰若用漢兵三千爲後援別選罕東番兵三千爲前鋒各持數日熟食兼程襲之何如翥曰如此取之必矣予乃於弘治八年請 勅甘州守臣揀選精銳漢兵如前數令分守肅州副總兵彭清統領由南山取捷徑馳至罕東急調番兵齊足乘夜兼道襲斬牙蘭而守臣貪功乃親率漢兵至肅州又久駐嘉峪關外候罕東兵不至卽命彭清由無水草常道往牙蘭預知之皆遁去泊兵至哈密獲城追勦之僅斬首六十餘而威

大振於西域巡按御史以功冊聞予以兵遠至哈密雖未得牙蘭而擒斬亦多且軍士重勞悉加犒賞至於鎮守太監陸闇總兵官右都督劉寧巡撫左僉都御史許公進有功陞賞請 上裁之乃加陸闇俸米二十石劉寧陞左都督加俸米一百石許進陞右副都御史彭清陞實授都督僉事賞足酌功人心允愜阿黑麻以畏威悔過計無所出遂遣使入貢并以陝巴金印來歸且求寫亦滿速兒等時弘治九年也予以其挾詐乃請取陝巴金印至甘州候命然後取寫亦滿速兒四十餘人於兩廣付甘州給前錫賚及阿

紀錄彙編卷之三十七

六

黑麻 勅諭并賞賜表裏等皆附入今降 勅內俱交與後貢番使同寫亦滿速兒等歸之其先未給賜陝巴蟒衣綵段冠服適值總制三邊經略哈密太子太傅兵部尚書王公越來請卽 勅就彼賜陝巴遣使自甘州護入哈密時有內侍欲以指揮倪端百戶王希恭充軍閤住指揮使馬俊嘗至哈密又三人皆迎合彼意希陞官職每誑誘遣彼以護送陝巴爲名可至土魯番取寶以彰功彼好異物不度其詐因令俊等進本求復職予以俊曩守靈州貪饕特甚既充軍閤住官無名可復俄有 旨復指揮同知及予請

以應賜陝巴寇服綵等物令總制王公所遣千戶張仁齋往彼堅意欲遣俊等遂耽延日久予方得請以陝巴寇服仍委張仁往至則王公適以其日卒於位至弘治十一年二月守臣始以寇服并 勅諭就甘肅州給陝巴其三種大頭目都督寫亦虎仙係回回奄克字羅係畏兀兒并迭力迷失係哈喇灰種類皆翼佐陝巴者予又慮哈喇灰以射獵爲生各番頗懼多不樂居哈密城遂請量留其家室之半居肅州許其往來以繫其心并將張綏等查出前居甘州及後哈密離散夷人大小共二千餘名口咸給牛具種子布

紀錄彙編卷之三十七

四百〇六十七

疋衣糧遣撫夷千戶數人於弘治十一年二月護入哈密弘治十三年甘州巡撫都御史周季麟以往來有功者上聞予論功上 請鎮守太監陸闇總兵官彭清都御史周季麟皆賜綵段白金餘亦陞賞有差自是阿黑麻感畏 朝廷恩威并黑樓國等處咸遣夷使入貢諸番無警邊方底寧而 九重亦紓西顧之憂矣蓋懾服黠獷之醜虜興復久滅之番國伏仗聖天子明聖且經略者十有餘年而功始就中國任事者亦豈一人哉是何成事之不易邪昔狄仁傑所論推以固存之義國家繼絕之美識者是之茲舉

亦有所本也因記興復歲月及我 朝設置之由俾後之人知其始末得有所考云

書馬端肅公三記後

卿哲馬端肅公三記舊本訛蠹因梓焉諸先生序詳矣夫記以紀實固也三記皆一時事一耳公之事如斯而已乎每聞薦紳長者之論僉謂公醇正忠直當代偉人遇時大行數文飭武勲烈懋著中涉傾險巖然如山晚際 孝廟倚毗允隆公負碩德峻望感格啟沃挺然以重者自任作率慶士雲會一時莫不精白以承休德故十八年間盛治之效爛然可觀也公

紀錄彙編卷之三十七

八

古三百八十八

遺稿中存奏議數百篇嘗一讀之想見明良氣象可謂難矣自公之得謝也不踰年而人政一變升降之機其繫矣乎既歸於釣迺築室三峰山之下闔戶獨居優游數年雖在罹壽禍若相忘焉公殆將病也郡之西神后山頽終之日無雲雷鳴鳴乎異哉聞者悲思咽弔則公之一身豈特磊磊軒天地者乎所謂不朽者自有在矣故謂三記一時一事也正德庚辰五月夏至日鈞陽任洛謹識

太常寺卿管國子監祭酒事臣許誥謹 奏爲進書事臣惟今之甘州一鎮卽漢所開西域以斷匈奴右

臂之地我 太宗文皇帝經略西域又置哈密國蒙
古赤斤罕東等衛招降土人羈縻臣屬互爲唇齒以
爲甘肅藩籬以傳報西域虛實向背以通諸國 朝
貢之路誠爲西北保障重地因歲久無備有隙邊臣
處撫乖方以致土番侵奪哈密失守不支衰微難振
臣故父先臣許進於弘治八年以左僉都御史巡撫
地方奉 勅經略前事會具奏招輯諸夷親率土漢
官兵直自哈密地方克其城池逐其渠惡撫其遺衆
興復故城諸番通貢蓋自成化九年土番犯順至弘
治八年幾三十年振中國之威懼醜夷之心有此一

紀錄彙編卷之三十七

九

古臣

舉自後二十年西方無事先臣致仕之日曾檢閱奏
藁著成平番始末一書臣收藏歲久未敢 上進惟
哈密自正德十六年又復失守 皇上德威所及四
夷咸賓今哈密經略者諸邊方底定土番納貢又皆
仰仗皇上德威之所及也臣恐歲月既遠人不知當
時用兵始末雖兵部有卷可查卒難檢閱亦難廣布
謹用謄寫封進上塵 御覽伏望 皇上宣付史館
亦足以見當時用兵之盛亦足以見我朝德威之遠
及也臣不勝恐悚之至爲此具本并書一冊隨本封
進伏候 勅旨嘉靖九年二月十一日奉

聖旨送史館採錄該衙門知道欽此

許襄毅公經略西番錄引

昔太宗皇帝立哈密 賜之封號曰忠順俾保西鄙
史臣曰忠也言乎其心也順也言乎其分也盡心安
分報事我 明禮也故曰我 太宗皇帝能禮御夷
狄也 憲宗皇帝御極之十四年戊戌土魯番酋陷
哈密壬寅收復史臣曰中國立哈密有三要焉斷北
夷右臂而破散西戎交黨一也聯絡夷狄而控之二
也設險於敵我邊無患三也哈密失守有五釁焉胡
元之孽如燼難燃一也嗣人屢絕回夷不同心二也

紀錄彙編卷之三十七

十

古臣

久安忘備二也嗣世屏王寄命權臣四也讐近而強
援遠而緩五也壬寅之役乘土魯番酋斃襲復焉
孝宗皇帝御極之六年癸丑哈密陷乙卯 命都御
史許進經略越三年乙巳收復史臣曰中國復哈密
有四難焉儒臣用禮武略久弛率言遠征則兵缺伍
且不練一也庸臣王國計不爲遠謀急率興兵則食
告匱二也忠者謀奸者忌焉智者謀愚者制焉多議
少成三也儒者以棄祖宗疆場爲美德若宋北棄幽
燕西棄靈州曰力不足不必守至杭閩崖海乃不肯
棄而死謀國者師宋儒四也許襄毅之成功也有六

善焉威信洽乎夷戎歸心一也小列禿効力我得夷
助能制番酋死命二也善用謀人則中機三也誓言
遠征不惑浮議不忌勞費四也酋醜宵遁坐策全勝
後恤脅從而安定之五也勤思遠謀不急近功不多
戮馘六也又曰襄毅生八百死命仁人也有後世也
宜哉

嘉靖七年戊子秋九月朔八日南海霍韜渭先甫書

廣信府同知鄒 潘

推官方 重

臨江府推官袁長馭 校正

紀錄彙編卷之三十七

十一

上饒縣學教諭余學申對讀

湖州府後學吳仕旦覆訂

五百八十一

平
番
始
末

蘇
子
學
堂
PDG

平番敵末

紀錄彙編卷之三十八

平番始末卷上

許進

西域自漢武通後歷代廢置不一我太祖革元命統一寰宇洪武五年宋國公馮勝兵至河西元守臣掠人民遁入沙漠遂略地至嘉峪關而置甘肅州等衛是卽漢人斷匈奴右臂之策也洪武永樂中因關外諸番內附復置哈密赤斤罕東阿端曲先安定等衛授以指揮等官俱給誥印羈縻不絕使爲甘肅藩蔽後因諸番入貢者衆皆取道哈密乃卽

紀錄彙編卷之三十八

三十八

其地封元之遺孽脫脫者爲忠順王賜以金印使爲西域襟喉凡夷使入貢者悉令哈密譯語以聞而諸國之向背虛實因賴其傳報由是諸番唇齒之勢成華夷內外之力合邊境寧謐餘八十年哈密之人凡三種曰回回曰畏兀兒曰哈刺灰皆務耕織不尚戰鬪脫脫善撫之國殷富脫脫故其子孛羅帖木兒襲封孛羅帖木兒故無嗣王母努溫答力理國事嚴毅有威國人畏服有謀弑之者見其面則戰慄失措劍器皆墮成化九年速檀阿力王侵哈密與戰不勝遂虜王母金印以去三種夷人皆逃來甘州朝

廷慮其有變移置苦峪赤斤等處而命高陽伯李文右通政劉文往撫之至則調集諸軍駐苦峪地方往張聲勢土魯番聞之堅陣以待而諸軍竟不敢前進無功而還自是吐番謂中國兵易與志頗驕橫朝廷累勅守臣經略而夷情變詐猝未易定成化十四年速檀阿力王死其子立是爲速檀阿黑守臣謂其國已易主請乘間封王遣之國乃選畏兀兒種都督罕慎者係王母外甥遂封爲忠順王遣使送入哈密守臣洎諸與事者皆賞賜金段有差時成化二十年也未幾阿黑麻怒曰罕慎賤族也安得爲王弘

紀錄彙編卷之三十八

二

四〇見

治元年乃率衆假以欲結親罕慎執而殺之隨遣使稱貢且乞天使和番并求爲哈密王時鈞陽馬公文升在兵部議謂遣使和好雖迤北大虜未有此行又阿黑麻自有分地難復王哈密至于入貢則有常例在所不拒請下璽書切責阿黑麻得書怒謀欲勒兵近塞要求之其酋牙蘭曰哈密去吾土千餘里敵國幅輳遠出已難况又近塞乎今既殺其國王則夷漢之心皆怒若合謀并進非我利也不如乘勢還城印以欸之再圖後舉阿黑麻以爲然弘治四年乃以城池金印來歸守臣具聞下兵部大臣欲

求忠順王子孫襲封詢諸夷使得安定王姪名陝巴者係其裔 弘治五年二月封爲忠順王遣使護送之國其實未妥也阿黑麻果怒假以都督阿木郎當剋其茶物又嘗虜其人畜爲辭遂侵哈密殺阿木郎復虜陝巴金印以去時 弘治六年也事聞 上命兵部右侍郎張海都督僉事緡謙往經略之時阿黑麻所遣入 貢頭目寫亦滿速兒等四十餘人適在京師遂 勅同張緡以往阿黑麻得 勅不報而但整飭士馬聲言欲東向張緡計無所出乃脩嘉峪關等處清查各衛寄居哈密夷人名數遂歸 上怒其

紀錄彙編卷之三十八

三

四百

經略無狀又不聞 命檀回下錦衣獄從重治旣皆宥咸張謫外任緡閑住巡撫都御史馮續取回夷使寫亦滿速兒等議發遣兩廣安置無何阿黑麻復侵哈密據之轉掠罕東等衛詐稱精兵一萬欲取甘州城以居時北虜復大寇昌平等處報至中外震恐大臣議遣巡撫頗難其人乃以予名上 制報可遂賜勅陞左僉都御史巡撫甘州與太監陸閭總兵官都督劉寧協恭經略予時因劾太監石巖培剋謫知充州府再轉陝西按察司未行而有是 命頗不自安問之北來人皆曰無他故哈密事大北虜復逞急欲

用公耳 弘治八年正月至甘州時阿黑麻已去留其大頭目牙蘭與撒他兒率精銳二百人守哈密牙蘭機警有勇力能并開六弓夜宿十徙雖近人莫知所在哈密脅從者皆懾服不敢動其雄黠者反投之教以撓中國之術僚佐頗以爲憂問予所圖予曰已有拙見徐當議之乃訪撫夷官熟知夷情道路者得指揮楊翥令其假以他事深入探聽旣而得其情狀緩急甚悉衆復以爲問予曰哈密事未易言也昔我太宗建立此國爲慮最悉外連罕東赤斤苦峪等衛使爲唇齒內連甘肅等衛使爲應援若哈密有警則

紀錄彙編卷之三十八

四

四百

夷夏共救之此非爲哈密爲藩籬計爾土魯番去哈密千餘里中經黑風川等處俱無水草雖其人慣戰習兵使哈密有備諸番倚角我兵乘之豈易破哉王母之虜也實以哈密久安公備土番乘間襲之爾旣而哈密逃散者不能自歸一切仰我經略我邊又不肯身任其事令其暫住若峪等處蓄精養銳以圖恢復是以日月坐遷愈久愈廢罕慎之封也 天兵之威未加土番之情未服哈密之勢未振赤斤等衛之援未合苟簡爲之能不取敗罕慎旣死賊勢亦橫謂我兵不能遠制遂求爲王以主哈密迨 皇上震怒

下 勅切責則又佯歸城印以欵我謀而其實王哈密之心無日不在也大臣急欲成功遽封陝巴而不思土番何畏而不再來哈密何恃而能死守輕信寡謀致有今日且今牙蘭憑其累勝之威據有堅城內外連結大勢已定非復昔日或出或入專事剽略之舉而哈密三遭殘破銳氣已盡近聞苦峪遺民種瓜放債生理百出皆不願回本國此豈有恢復之志哉其赤斤等衛則又劫于土番之餘威心懷疑二蹤跡不定然則獨欲以我兵與之千里爭鋒誅寇立王此談兵之士所以爲之束手而無策也衆曰于公何如

紀錄彙編卷之三十八

五

四百七

予曰不襲斬牙蘭則 天威不振而土番終不知懼不懷來諸夷則聲援不合而我兵終不敢入今日之計結好北虜撫諭南羌收赤斤等衛未一之心作苦峪遺民已餒之氣以夷攻夷佐以漢兵出其不意則牙蘭成擒牙蘭既擒賊計阻塞然後綏和諸夷使之結爲姻好分守要害以防報復少迂苦峪居者之半使之共守哈密以理舊業整飭我兵聯絡聲勢以爲諸夷應援如是則土番進不能戰退無所得力屈智窮稱款有日矣二月予乃以用兵方略聞 上可其奏未幾阿黑麻貽書于罕東都督只克自稱速檀阿

紀錄彙編卷之三十八

六

四百七

黑麻可汗勅書與只克都督倉阿朶兒只刺麻朶兒只衆頭目在前我祖宗拜答兒主人的子孫在哈密往來你沙州瓜州大小人民皆屬管束進 貢好物和氣住坐此地原是我祖宗住的地方如今我得了緣何不照前例進 貢因這等氣惱所以來搶你今後若差人投順與我進駝馬便了不然便動人馬來問罪也只克得書驚惧失措乃自馳上肅州予曰事急矣無赤斤罕東是無哈密也無哈密甘肅受禍矣乃疏其事于朝曰速檀阿黑麻冒認殘元之裔僭稱可汗之號既以占奪哈密殺其國王却又侵擾屬番逼令從順揆其動靜爲志不小且罕東赤斤等衛屬番住牧地方實爲甘肅西北藩蔽若不早爲區處倘彼土番侵掠不支致令脅從邊患有不可言除將罕東左衛只克以禮優待量給綵段梭布食糧等件善加撫諭令知 朝廷恩威順逆死生之理照舊住牧地方勿聽哄誘自貽後悔其阿黑麻若果復來侵擾一面馳報我邊發兵議討一面調集各衛夷兵併力勦殺乞更 勅哈密赤斤罕東三衛管事大頭目奄克宰刺只克等預先調定夷兵遇有可乘之機剋期道取仍量給各衛夷人賞賜以結其心庶幾番夷用

命成功可收矣書奏乃厚賞只克令還而復遣人齎段布食物分投赤斤罕東等衛撫諭之爲言土番無道朝廷已出兵剋期聲討爾等皆累朝有職臣子宜堅守臣節整兵以待調發勿生異心自取滅亡若各衛軍餉不足許卽來告爲爾轉奏量給協濟事成朝廷自有陞賞只克等大喜卽復書曰先年設立哈密赤斤罕東三衛如一家一般阿黑麻他把哈密奪了我每誰不懷恨他昨日又差虎刺黑麻剌麻力丁兩個人來我軍東地方上來說也要我每投順他我只克等衆頭目只是不肯忘了皇帝主人洪

紀錄彙編卷之三十八

七

四百七

恩不肯投順他去年將我大小人口女兒都搶了此雖幾時報得如衆大人可憐見時調罕東赤斤哈密三衛人馬同到哈密將牙蘭頭割了也是報了我每雖恨若不去時恰似害怕他一般時住守苦哈密衛都督奄克字刺亦遣其頭目脫脫忽寫亦虎仙等至稱言本國失火延燒財產略盡又被西番搶虜太多欲求振貸詞甚哀切僚佐皆曰此輩寄居以來卽仰給于我迄今所費不下數萬彼方以此爲得計不復以恢復爲念少有不足輒來告擾我邊豈能一一應之予曰不然哈密三遭殘破人無固志若非我邊

撫安稱降土番久矣今爲彼圖恢復而先失其心事何由濟且養之三十餘年而一旦弃之何爲也乃悉爲奏請令都督奄克字刺鈐束部落照舊于苦峪地方耕牧所缺種子令人于肅州關領趁時作種無致流移其西番虜去財物仍差撫夷官員拘集西番頭目速魯都思到官撫追原槍行李一一給還原主予復呼脫脫忽于廳事親慰勞之因謂之曰土番無故滅爾國致爾播遷窘辱至此誰不憤恨朝廷憂念爾等特勅甘州守臣厚加優恤思欲爲爾等報仇興復舊業爾等爲人臣子惟知窺利反不動心豈

紀錄彙編卷之三十八

八

四百八

不貽笑四夷今朝廷知爾等終無大志自欲爲爾出兵襲殺牙蘭興復舊國爾等宜堅守臣節協力進勦常差人密切哨探遇有可乘之機卽便來報勿執狐疑自取後悔脫脫忽等曰哈密不幸遭土番番害國破人亡皇天可憐見留下些殘民住坐苦峪若非皇帝主人與些口糧賞賜也都餓死了不能勾有今日我每但說起此事恨不得把阿黑麻碎割了纔報得此仇只是人少不敢向前又遭火把行李燒了過不得日子了只等天兵征進我們隨着出氣力天兵又不出來延遲到今如今朝廷可憐見我們得